



Isaan sun ummata yeroo gabricha gaariin, yookaan namni gaariin isaan gidduutti du'e qabrii isaa irratti masjiida ijaaranii, suuraalee sana isa keessa kaayan

Aa'ishaa Haadha Mu'mintootaa irraa odeeffamee -Rabbiin ishee irraa haa jaalatu:- Ummu Salaamaan Ergamaa Rabbiitiif -Rabbiin rahmataa fi nageenya isaan irratti haa buusu- bataskaana Maariyah jedhamtu biyya Habashaa keessatti argite dubbatte, suuraa adda addaa irraa waan ishee keessatti argite itti himte. Ergamaan Rabbii - Rabbiin rahmataa fi nageenya isaan irratti haa buusu- akkana jedhan: "Isaan sun ummata yeroo gabricha gaariin, yookaan namni gaariin isaan gidduutti du'e qabrii isaa irratti masjiida ijaaranii, suuraalee sana isa keessa kaayan warri sun Rabbiin biratti irra badoo uumamaati".

[sirrii] [Bukharif muslim irratti waliigalan]

Haati Mu'mintootaa Ummu Salaamaan -Rabbiin ishee irraa haa jaallatu- Rasuulaaf -Rabbiin rahmataa fi nageenya isaan irratti haa buusu- ni himte isheen yeroo biyya Habashaa turtetti, bataskaana - Maariyah jedhamtu - kan ishee keessatti suuraaleen, faayaa fi fakkiwwan adda addaa kan argitee turte isaanii himte; sana baay'ee ajaa'ibsiifatuuf jecha! Nabiyyiin -Rabbiin rahmataa fi nageenya isaan irratti haa buusu- sababoota fakkiwwan kanneen kaa'aniif ibsaniiru. Akkas jedhaniin: Isaan keessaa namni gaariin tokko yoo du'e qabrii isaa irratti masjiida itti salaatan ijaaru, suuraalee sanas ni tolchu, Namni waak akkasii hojjatu Rabbii ol ta'e biratti irra badaa uumamaa akka ta'ees ibsaniiru; Sababni isaas gochi isaa gara Rabbii ol ta'etti waan biroo qindeessutti nama geessuuf jecha.

<https://sunnah.global/hadeeth/om/show/10887>

